



Extrait de la revue **SingulierS** du 2^{ème} trimestre 2015

Revue des parlers romans de la province de Luxembourg

Editeur responsable: P. Otjacques, rue de la Hette 19 - 6840 Neufchâteau

Rubrique : Un air entre deux ères

Cette rubrique, rédigée par Joël THIRY, accueille des chansons originales qui ont été composées dans les localités du Nord de la province de Luxembourg et dont les sujets sont inspirés de l'endroit lui-même ou d'événements qui ont marqué le compositeur. Les partitions sont établies avec le concours de Gérard Lambert et de Pauline Thiry.

Li romance do Tèyâte walon a Hèbronvâ

Ecritte par René MATHIEU de Lierneux le 26 mars 2015 sur l'air : La Romance de Paris.

1.

N-a dèdja one sacré pèrte d' an.nèyes
K' Hèbronvâ nos-invite po k' on rèye.
Tot ç' k' i vlèt, c' èst vos rinde pus eûreûs,
K'on moumint, vos sèhéje pus djoyeûs.
Dès-acteûrs, n-a st-avou so lès plantches,
Dès tchanteûrs, on nn' a plin dès sovances,
N-a dès cis k' on n' sâreût mây rouvyi, oui,
C' èst télmint k'avou zèls, on.n-a ri.

Refrain

A Hèbronva duspôye dès-ans,
On.n-a dja vèyou dès talents,
Dès dramatiques, dès comèdèyes,
La ki turtos, on pleûre, on rèye.
Tot l' monde î mèt brâmint d' amoûr.
Tos lès-acteûrs î dnèt d' leû coûr
Djower dès pleûrs ou bin d' l' umoûr
Fât po çoula bècôp d' bravoûre.

2.

Fât bin dire : po djower l' comèdèye,
Çu n' èst nin todi dès pus-ahèye
Po trover one bèle pièce d' a façon,
D' arindjer lès djoûs d' répétitions.
C' èst dès-eûres a passer al vèsprèye,
Ki rindèt co pus longues lès djoûrnèyes.
Mins cwand c' èst k' tot çoula èst fini, oui,
C' èst bin vite k' i vòrint rucminci.

Refrain

Duvins nosse cwène duspôye dès-ans, ...

3.

On pout dire, k' châ ol Walon'rèye,
On veût co, bin dès troupes a l' îdèye
Ki tchantèt ou djowèt co l' walon,
Ki d' bon coûr, mint'nèt co l' tradicion.
Tos cèla ki n' ont djusse k' one îdèye,
Du fé l' bièsse po k' tot l' monde ènnè rèye
Méritèt k' on ls-î dîje Grand Mèrci, oui,
Et torate di co bin ls-aplôdi.

Refrain

Ol Walon'rèye po co dès-ans,
On sowète co vèy dès talents,
Mons d' dramatique, pus d' comèdèyes.
Fât nin k' on pleûre mins fât k' on rèye,
Vèy dès-acteûrs k' ont tos lès toûrs,
Po k' on rèye turtos du bon coûr,
Et çou ki sèreût vrêmint bin,
C' èst di co vèy dès djônes divins.

Asteûre, dji v' lèy, mès brâvs djins :

Du m' sérénâde, dju so st-al fin.